



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-085-6/25**
Datum: **05.05.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica JKP «VITKOM» d.o.o. Vitez za donošenje rješenja o vodnoj dozvoli za privremeno ispuštanje komunalnih otpadnih voda u prirodni recipijent iz urbanog područja općine Vitez, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola pravnom licu JKP «VITKOM» d.o.o. Vitez za privremeno ispuštanje komunalnih otpadnih voda iz urbanog područja općine Vitez, putem javnog kanalizacionog sistema, u rijeku Lašvu na lokalitetu kod mosta «Modrulja» u naselju Rijeka, općina Vitez.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokalitetima ispusta i uz sljedeće uslove:
 - 2.1. Da se objekti koji čine javni kanalizacioni sistem općine Vitez održavaju u ispravnom i funkcionalnom stanju u skladu sa njihovom namjenom i ovim Rješenjem a prema Odluci o odvodnji i prečišćavanju otpadnih voda na području općine Vitez usvojenoj na sjednici Općinskog vijeća Vitez održanoj dana 24.04.2025. godine (broj: 01-3-19-9-1533/25),
 - 2.2. Da se permanentno radi na razdvajanju postojećeg mješovitog sistema odvodnje otpadnih voda u skladu sa urađenom projektnom dokumentacijom, te da se prilikom izgradnje nove kanalizacione mreže projektuje i izvodi isključivo separadni sistem odvodnje.
 - 2.3. Da se redovno vrši snimanje, izrada katastra kanalizacionog sistema i kontrola stanja postojeće kanalizacione mreže. Ukoliko postoje ili se na bilo koji način na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrovati i što hitnije poduzeti aktivnosti da se isti priključe na postojeće gradske kolektore.
 - 2.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to tehnički izvodljivo, vrši priključenje objekata na kanalizacionu mrežu.
 - 2.5. Da se obezbijedi nesmetan pristup i redovno vrši održavanje obale i korita rijeke Lašve na mjestu ispusta komunalnih otpadnih voda iz glavnih gradskih kolektora.
 - 2.6. Da se, od korisnika prilikom izdavanja odobrenja za priključak na gradsku kanalizacionu mrežu, zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.7. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije.
 - 2.8. Da se, za vrijeme trajanja ove dozvole, vrši monitoring otpadnih voda na ispustu glavnog gradskog kolektora definisanog tačkom 1. dispozitiva ovog rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

3. Vlasnik, odnosno korisnik objekta je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), obavezan voditi propisane evidencije te nadležnim organima dostavljati propisane obrasce (Obrazac EBS) uz redovno dostavljanje obrasca IV – Mjesečni izvještaj o količini isporučene vode i obračunu EBS-a te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za zaštitu voda.
4. Ispuštanje otpadnih voda u rijeku Lašvu ne smije ugrožavati postojeći hemijski i ekološki status recipijenta.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
6. U periodu važenja ove dozvole, Korisnik je dužan provoditi sve mjere i aktivnosti propisane istom.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima kanalizacionog sistema i mjestu ispusta obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, JKP «VITKOM» d.o.o. Vitez, dana 25.02.2025. godine podnesen je ovoj Agenciji zahtjev za izdavanje vodne dozvole za privremeno ispuštanje komunalnih otpadnih voda iz urbanog područja općine Vitez putem javnog kanalizacionog sistema, u rijeku Lašvu na lokalitetu kod mosta «Modrulja» u naselju Rijeka, općina Vitez.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 051-0-RegZ-24-000586 izdatog DANA 09.04.2024. godine od strane Općinskog suda u Travniku,
- Ovjerena kopija Uvjerenja o poreznoj registraciji izdatog dana 24.10.2014. godine od strane Porezne uprave Federacije BiH – Kantonalni porezni ured Novi Travnik,
- Kopija Rješenja o vodnoj dozvoli broj: UP-I/25-3-40-627-6/19 izdatog dana 07.02.2020. godine od strane «Agencije za vodno područje rijeke Save» Sarajevo,
- Kopija Odluke broj: 01-3-19-9-1533/25 o odvodnji i prečišćavanju otpadnih voda na području općine Vitez usvojenoj dana 24.04.2025. godine na sjednici Općinskog vijeća Vitez,
- Idejno Rješenje kanalizacionog sustava grada Vitez urađeno od strane «Zavoda za vodoprivredu» d.d. Sarajevo, januar 2007. godine,
- Glavni projekat kanalizacionih kolektora sportsko rekreativnog dijela grada Vitez urađen od strane «Zavoda za vodoprivredu» d.d. Sarajevo, septembar 2007. godine,
- Kopije Izvještaja o rezultatima ispitivanja kvantitativnih karakteristika efluenta sa programom praćenja stanja voda (monitoring) urađenih od strane «ZAGREB INSPEKT» d.o.o. Mostar (broj: 01-2-154-I/24, januar 2024. godine i broj: 01-2-114-VI/24, juni 2024. godine),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog ispusta komunalnih otpadnih voda u rijeku Lašvu kod mosta «Modrulja» u naselju Rijeka, općina Vitez i tom prilikom je sačinjen Zapisnik o uviđaju broj: UP-1/21-3-40-085-5/25 od 29.04.2025. godine. Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Sire urbano područje općine Vitez pokriveno je mješovitim sistemom kanalizacije sa ispustom, bez prethodnog tretmana, u rijeku Lašvu kod mosta «Modrulja» (na lijevoj obali) u naselju Rijeka, općina Vitez. Na kanalizacioni sistem kojim upravlja JKP «VITKOM» d.o.o. Vitez, priključeno je oko 3.500 stanovnika urbanog područja općine Vitez. Ukupna dužina kanalizacione mreže iznosi cca 10 km.

Za privredne subjekte izgrađene u Poslovnoj zoni PC-96-2 Vitez izgrađen je zaseban sistem kanalizacione mreže separatnog tipa sa biološko-mehaničkim sistemom za prečišćavanje otpadnih voda prije ispusta u rijeku Lašvu na posebnom lokalitetu. Kapacitet postrojenja je 1000 ES. Za ispuštanje prečišćenih otpadnih voda iz postrojenja doneseno je Rješenje o vodnoj dozvoli od strane Ministarstva poljoprivrede, vodoprivrede i šumarstva Srednjobosanskog kantona.

Monitoring otpadnih voda se vrši redovno od strane ovlaštene laboratorije «ZAGREB INSPEKT» d.o.o. Mostar (na uvid dostavljeni Izvještaji o monitoringu otpadnih voda za januar i juni 2024. godine).

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnom lokalitetu ispusta otpadnih voda u rijeku Lašvu a u svrhu smanjenja negativnih uticaja predmetnih aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva JKP «VITKOM» d.o.o. Vitez, ispunio minimum uslova za dobivanje vodne dozvole za privremeno ispuštanje komunalnih otpadnih voda iz urbanog područja općine Vitez putem javnog kanalizacionog sistema u rijeku Lašvu kod mosta «Modrulja» u naselju Rijeka, općina Vitez, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) utvrđene su obaveze u tački 5. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-085-4/25 od 28.04.2025. godine.

Podnosilac zahtjeva je uplatio upravnu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju

Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JKP «VITKOM» d.o.o. Vitez
- ul. Kralja Tvrtka bb, 72250 Vitez
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava